



Broj: T09 0 KTK 0199875 25
Sarajevo, 23.02.2026. godine

OPŠTINSKI SUD U SARAJEVU
Sudiji za prethodno saslušanje

Na osnovu člana 45. stav (2) tačka i) Zakona o krivičnom postupku Federacije Bosne i Hercegovine (ZKP FBiH) („Službene novine Federacije Bosne i Hercegovine“, br. 35/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20) i člana 241. stav (1) ZKP FBiH, p o d i ž e m o

OPTUŽNICU

Protiv:

1. **DUHOVIĆ ADNAN**, rođen 1976. godine, nastanjen u, po zanimanju policajac, zaposlen u MUP-a KS, Uprava policije, PU Centar, PS Centar, na radnom mjestu policajac, po narodnosti Bošnjak, državljanin BiH, ima određen JMB:, razveden, otac jednog djeteta, neosuđivan,
2. **DŽINDO NERMIN**, rođen 1974. godine, nastanjen u, po zanimanju policajac, zaposlen u MUP-a KS, Uprava policije, PU Centar, PS Centar, na radnom mjestu policajac, po narodnosti Bošnjak, državljanin BiH, ima određen JMB:, oženjen, otac dvoje djece, neosuđivan,

Zbog toga što su:

Duhović Adnan - sam:

1. U periodu od 02.03.2025. godine do 29.07.2025. godine, na području Kantona Sarajevo, postupajući u svojstvu službene osobe, u smislu člana 2. stav 3. Krivičnog zakona Federacije BiH (u daljem tekstu: KZ FBiH), kao policijski službenik Policijske stanice Centar, Uprave policije MUP-a KS, zaposlen na radnom mjestu „policajac“, koji je na osnovu člana 2. Zakona o osnovama bezbjednosti saobraćaja na putevima BiH ("Službeni glasnik Bosne i Hercegovine", br. 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017 i 9/2018, 46/23 i 88/23) ovlašten za kontrolu i regulisanje saobraćaja na putevima i koji je na osnovu člana 54. i 56. Zakona o prekršajima F BiH (Službene novine F BiH 63/14 i „Sl. Glasnik BiH, br.41/22- odluka US BiH, 68/22-odluka US BiH i 19/25) i člana 8., 9. i 10. Instrukcije o načinu pokretanja prekršajnog postupka u MUP-u Kantona Sarajevo broj od 26.11.2014. godine (u daljem tekstu: Instrukcija),

ovlašten i dužan izdati prekršajni nalog ukoliko ustanovi da je prekršaj iz njegove nadležnosti utvrđen, svjestan obima i sadržaja povjerenih poslova radnog mjesta pod nazivom „policajac“, koji su određeni u članu 572. Pravilnika o unutrašnjoj organizaciji MUP-a KS broj:01-7-02-4934/21 od 16.02.2022. godine (Službene novine Kantona Sarajevo broj 42/22) i prema kojem između ostalog policajac izdaje prekršajne naloge i podnosi prekršajne prijave u skladu sa zakonom, vrši kontrolu i regulisanje saobraćaja, te vrši uviđaje saobraćajnih nezgoda, Duhović Adnan prilikom obavljanja službene radnje kontrole učesnika u saobraćaju i vršenja uviđaja saobraćajnih nezgoda, sa ciljem da sebi pribavi imovinsku korist, a nakon što bi utvrdio da su učesnici u saobraćaju počinili saobraćajni prekršaj predviđen i kažnjiv prema odredbama Zakona o osnovama bezbjednosti saobraćaja na putevima u BiH i Zakona o cestovnom prijevozu FBiH (Sl. Novine FBiH broj: 28/06. 57/20 i 44/22), svjesno i htijuci primio od počinilaca saobraćajnih prekršaja korist u vidu novca i drugih koristi da u okviru svoje funkcije ne učini što bi morao učiniti, odnosno, da počinocima saobraćajnih prekršaja ne izda prekršajne naloge za počinjene saobraćajne prekršaje, a koje prekršajne naloge je morao izdati u skladu sa opštim i prekršajnim odredbama Zakona o osnovama bezbjednosti saobraćaja na putevima BiH (“Službeni glasnik BiH”, br. 6/06, 75/06 - ispravka, 44/07, 84/09, 48/10, 18/13, 8/17, 89/17, 9/18, 46/23 i 88/23) ZOOBS-a BiH-u daljem tekstu ZOOBS) i Zakona o cestovnom prijevozu FBiH (Sl. Novine FBiH broj: 28/06. 57/20 i 44/22), te ovlaštenjima iz člana 54. i 56. Zakona o prekršajima FBiH i člana 8., 9. i 10. Instrukcije, te je takođe svjesno i htijuci postupao suprotno odredbama člana 54. i 56. Zakona o prekršajima FBiH i suprotno članu 8.,9. i 10. Instrukcije, na način da nije obavio svoju dužnost nakon što bi utvrdio da su učesnici u saobraćaju počinili saobraćajne prekršaje, tako što počinocima saobraćajnih prekršaja nije izdavao prekršajne naloge koje je morao izdati u skladu sa ovlaštenjima iz člana 54. i 56. Zakona o prekršajima FBiH i člana 8., 9. i 10. Instrukcije, na koji način je vozačima, odnosno počinocima saobraćajnih prekršaja, pribavio korist u vidu nesankcionisanja za počinjeni prekršaj, pa je tako:

- 1.1. Dana 02.03.2025. godine, oko 12.58. sati, u ulici Alipašina bb, Kanton Sarajevo, Adnan Duhović, postupajući u svojstvu službene osobe, kao policijski službenik Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, prema patrolnom nalogu broj od 28.02.2025. godine, zaustavio i kontrolisao putničko motorno vozilo marke “BMW”, registarskih oznaka, kojim je u momentu zaustavljanja upravljao J.B., dok je na mjestu suvozača sjedila A.K., a za kojeg vozača je prethodno utvrdio da je počinio prekršaj iz člana 235. stav 3. ZOOBS-a, jer se nije pridržavao saobraćajne signalizacije koja se odnosi na dozvoljenu brzinu kretanja, na način da se kretao brzinom koja je veća od dozvoljene, nakon čega je Adnan Duhović od J.B. zatražio vozačku dozvolu, na šta mu je J.B. saopštio da istu ne posjeduje jer je deponovana u MUP-u KS zbog ranijeg prekršaja, čime je J.B. počinio i prekršaj iz člana 234a. stav 11. ZOOBS-a, jer je upravljao motornim vozilom iako mu je vozačka dozvola oduzeta, te znajući da je J.B. počinio saobraćajni prekršaj prekoračenja dozvoljene brzine i da je dužan da ga sankcioniše za navedeni prekršaj u skladu sa članom 235. stav 3. ZOOBS-a i izda mu prekršajni nalog

u skladu sa odredbama člana 54. i 56. Zakona o prekršajima F BiH, kao i saobraćajni prekršaj upravljanja motornim vozilom iako mu je oduzeta vozačka dozvola i da je dužan da ga sankcioniše za navedeni prekršaj u skladu sa članom 234a. stav 11. ZOOBS-a, i izda mu prekršajni nalog u skladu sa odredbama člana 54. i 56. Zakona o prekršajima F BiH, Adnan Duhović u okviru svoje funkcije nije učinio što je morao učiniti, te J.B. za počinjene saobraćajne prekršaje nije izdao prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, nego je istom rekao *može se nešto završiti, samo me moraš počastiti*, nakon čega je upitao J. *da li suvozač ima vozačku*, a nakon dobijanja potvrdnog odgovora, Duhović Adnan je rekao J.B. da ode u auto, a da suvozač dođe, te je prekršajni nalog za počinjeni saobraćajni prekršaj prekoračenja dozvoljene brzine koji je tom prilikom počinio vozač J.B., Duhović Adnan izdao na ime A.K., koja je tom prilikom sjedila na mjestu suvozača, nakon čega je Adnan Duhović došao do auta te pitao J.B. *jesi li mi spremio to*, nakon čega mu je J.B. predao novac u iznosu od 20,00 eura, a koji novac je Duhović Adnan zadržao za sebe, na koji način je Duhović Adnan pribavio sebi korist u iznosu od 20,00 eura,

- 1.2. Dana 23.05.2025. godine, u večernjim satima, na području Opštine Centar Sarajevo, Kanton Sarajevo, Adnan Duhović, postupajući u svojstvu službene osobe, kao policijski službenik Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, prema Patrolnom nalogu broj od 21.05.2025. godine i Rasporedu rada za dan 22/23.05.2025. godine, zaustavio i kontrolisao putničko motorno vozilo marke „BMW“, slovenačkih registarskih oznaka, kojim je u momentu zaustavljanja upravljao M.A., a za kojeg vozača je nakon zaustavljanja utvrdio da je počinio prekršaj iz člana 235. stav 1c. ZOOBS-a, jer se nije vezao sigurnosnim pojasem, kao i prekršaj iz člana 239. stav 28. ZOOBS-a, jer je upravljao vozilom bez vozačke dozvole i znajući da je dužan da ga sankcioniše za navedene prekršaje u skladu sa članom 235. stav 1c. i 239. stav 28 ZOOBS-a i izda mu prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, propustio da učini navedeno, te je M.A. rekao *neću ti pisati ništa i drugi put nosi dokumente*, nakon čega je M.A. ponudio da ga počasti pečenjem, rekavši mu *hajmo sutra pojesti kiligoram pečenja*, na šta je Duhović Adnana rekao *ćućemo se*, da bi narednog dana M.A. putem telefona pozvao Duhović Adnana i rekao mu *da se razbolio i da ne može otići s njim na pečenje*, te mu predložio *da se nađu kod bolnice Koševo*, kako bi mu dao novac da Adnan ode na pečenje, a nakon čega su se i našli kod bolnice Koševo gdje je M.A., Duhović Adnanu predao iznos od 60,00 KM kao protivvrijednost ranije obećanog kilograma pečenja, a Duhović Adnan svjestan protivpravnosti svog postupanja i htijući da za sebe pribavi imovinsku korist zbog oproštenog prekršaja, primio novac u iznosu od 60,00 KM, na koji način je Duhović Adnan pribavio sebi korist u iznosu od 60,00 KM,
- 1.3. Dana 06.06.2025. godine oko 17.00 sati, u ul. Maršala Tita, opština Centar Sarajevo, Kanton Sarajevo, Adnan Duhović, postupajući u svojstvu službene osobe, kao policijski službenik Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 05.06.2025. godine i Rasporedu rada za dan 06/07.06.2025. godine, tokom vršenja uviđaja saobraćajne nezgode u kojoj su učestvovali S.Č., upravljajući motornim vozilom marke „Opel“ tip „Insignia“ registarskih oznaka, i

I.Z., upravljajući motornim vozilom marke "Hyundai ", nakon što je utvrdio da je S.Č. prouzrokovao navedenu saobraćajnu nezgodu, te tom prilikom počinio prekršaj iz člana 236. stav 7. ZOOPS-a, jer brzinu svog vozila nije prilagodio saobraćajnim uslovima zbog čega vozilo nije mogao blagovremeno zaustaviti, zatim prekršaj iz člana 239. stav 28. ZOOPS-a, jer kod sebe nije imao odgovorajuću vozačku dozvolu, kao i prekršaj iz člana 235. stav 30. ZOOPS-a, jer kod sebe nije imao važeću potvrdu o registraciji vozila kojim je upravljao, nakon čega je Duhović Adnan s ciljem pribavljanja koristi drugome, što je i htio, svjesno i htijući postupao suprotno odredbama člana 54. i 56. Zakona o prekršajima FBiH i suprotno članu 8., 9. i 10. Instrukcije, na način da je znajući da je S.Č. počinio saobraćajne prekršaje iz člana 236. stav 7, 239. stav 28. i 235. stav 30. ZOOPS i da je dužan da mu izda prekršajni nalog za sva tri navedena prekršaja u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, S.Č. izdao prekršajni nalog samo za počinjenje prekršaja iz člana člana 236. stav 7 i 239. stav 28. ZOOPS-a, dok mu za utvrđeni saobraćajni prekršaj iz člana 235. stav 30. ZOOPS-a (za koji je propisana novčana kazna u iznosu od 100-300 KM), nije izdao prekršajni nalog niti je sačinio prekršajnu prijavu, a što je bio dužan da učini, na koji način je ne obavivši svoje službene dužnosti, S.Č. pribavio korist u vidu ne sankcionisanja za navedeni počinjeni saobraćajni prekršaj;

- 1.4. Dana 11.06.2025. godine, u 21.56 sati, u ulici Halida Kajtaza bb, Kanton Sarajevo, Adnan Duhović, postupajući u svojstvu službene osobe, kao policijski službenik Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, prema Patrolnom nalogu broj od 10.06.2025. godine i Rasporedu rada za dan 11/12.06.2025. godine, zaustavio i kontrolisao putničko motorno vozilo marke "Citroen", registarskih oznaka, kojim je u momentu zaustavljanja upravljala osoba S.M. i za koje vozilo je prethodno utvrdio da je tehnički neispravno, te da ga u skladu sa članom 231. ZOOPS-a mora uputiti na vanredni tehnički pregled, što je odmah i saopštio S.M., nakon čega mu je S.M. rekao „može li jarane cvaja za kafu“, te iz novčanika zvadio novac u iznos od 20,00 KM i predao ga Duhović Adnanu, koji je uzeo navedeni novac, vratio dokumenete S.M. i rekao mu „hajde idi“, nakon čega se S.M. udaljio sa lica mjesta, a Duhović Adnan mu tom prilikom nije izdao pismeni nalog za vanredni tehnički pregled, te je Duhović Adnan, svjestan protivpravnosti svog postupanja i htijući da za sebe pribavi imovinsku korist, postupio suprotno članu 231. ZOOPS-a, kojim je propisano da će ovlašteno lice pismenim nalogom uputiti na vanredni tehnički pregled vozilo za koje prethodno utvrdi da je tehnički neispravno, na koji način je primio novac u iznosu od 20,00 KM da u okviru svoje funkcije ne učini što bi morao učiniti, te sebi pribavio korist u iznosu od 20,00 KM,
- 1.5. Dana 29.07.2025. godine, oko 09.00 sati, u ul. Augusta Brauna, opština Centar Sarajevo, Kanton Sarajevo, Adnan Duhović, postupajući u svojstvu službene osobe, kao policijski službenik Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 28.07.2025. godine i Rasporedu rada za dan 29/30.07.2025. godine, tokom vršenja uviđaja saobraćajne nezgode u kojoj je učestvovao Ž.P., upravljajući teretnim motornim vozilom marke "Tojota Hilix", vlasništvo firme „.....“ Modriča, registarskih oznaka, nakon što je utvrdio da je Ž.P. prouzrokovao navedenu saobraćajnu nezgodu, te tom prilikom počinio prekršaj iz člana

236. stav 4. ZOOBS-a, jer je prilikom zaustavljanja udario u saobraćajni znak, te da je tom prilikom takođe počinio i prekršaj iz člana 100. stav 2. Zakona o cestovnom prijevozu FBiH (Sl. Novine FBiH broj: 28/06. 57/20 i 44/22), jer kod sebe nije imao putni nalog, nakon čega je Duhović Adnan saopštio Ž.P. da će mu zbog navedenih prekršaja biti oduzeta vozačka dozvola, na šta mu je Ž.P. rekao da mu posao zavisi od vozačke dozvole, na šta mu je Duhović Adnan rekao „*uđi u auto da mi daš na kafu, da ne vidi ovaj mali*“, misleći na drugog policijskog službenika, nakon čega je Ž.P. ušao u policijsko vozilo i Duhović Adnanu predao novac u iznosu od 20-30 KM, te je Duhović Adnan, znajući da je Ž.P. tom prilikom počinio saobraćajne prekršaje iz člana 236. stav 4. ZOOBS-a i člana 100. stav 2. Zakona o cestovnom prijevozu FBiH i da je dužan da mu u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije izda prekršajni nalog za oba navedena prekršaja, Ž.P. izdao prekršajni nalog samo za počinjeni prekršaj iz člana člana 236. stav 4. ZOOBS-a, dok mu za utvrđeni saobraćajni prekršaj iz člana 100. stav 2. Zakona o cestovnom prijevozu FBiH (za koji je propisana novčana kazna u iznosu od 100,00 KM), nije izdao prekršajni nalog, niti je sačinio prekršajnu prijavu, na koji način je Duhović Adnan, kao policijski službenik, od Ž.P. primio korist u vidu novca u iznosu od 20-30 KM da u okviru svoje funkcije ne učini što bi morao učiniti, te Ž.P. za počinjeni saobraćajni prekršaj iz člana člana 100. stav 2. Zakona o cestovnom prijevozu FBiH, nije izdao prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, te je primljeni novac zadržao za sebe, na koji način je Duhović Adnan pribavio sebi korist u iznosu od 20-30 KM,

Adnan Duhović i Džindo Nermin – zajedno:

2. U periodu od 22.05.2025. godine do 27.06.2025. godine, na području Kantona Sarajevo, postupajući u svojstvu službenih osoba, u smislu člana 2. stav 3. Krivičnog zakona Federacije BiH (u daljem tekstu: KZ FBiH), Adnan Duhović i Džindo Nermin, kao policijski službenici Policijske stanice Centar, Uprave policije MUP-a KS, zaposleni na radnom mjestu „policajac“, koji su na osnovu člana 2. Zakona o osnovama bezbjednosti saobraćaja na putevima BiH ("Službeni glasnik Bosne i Hercegovine", br. 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017 i 9/2018, 46/23 i 88/23- u daljem tekstu ZOOBS) ovlašteni za kontrolu i regulisanje saobraćaja na putevima i koji su na osnovu člana 54. i 56. Zakona o prekršajima F BiH (Službene novine F BiH 63/14 i „Sl. Glasnik BiH, br.41/22- odluka US, 68/22-odluka US BiH i 19/25) i člana 8., 9. i 10. Instrukcije o načinu pokretanja prekršajnog postupka u MUP-u Kantona Sarajevo broj od 26.11.2014. godine (u daljem tekstu: Instrukcija), ovlašteni i dužani izdati prekršajni nalog ukoliko ustanove da je prekršaj iz njihove nadležnosti utvrđen, te primjerak kopije prekršajnog naloga uručiti okrivljenom, te svjesni obima i sadržaja povjerenih poslova radnog mjesta pod nazivom „policajac“, koji su određeni u članu 572. Pravilnika o unutrašnjoj organizaciji MUP-a KS broj:01-7-02-4934/21 od 16.02.2022. godine (Službene novine Kantona Sarajevo broj 42/22) i prema kojem između ostalog policajac izdaje prekršajne naloge i podnosi prekršajne prijave u skladu sa zakonom, vrši kontrolu i regulisanje saobraćaja, te vrši uviđaj saobraćajnih nezgoda, Adnan Duhović i

Džindo Nermin radeći u auto-patroli, prema rasporedu rada i patrolnom nalogu, sa ciljem da prilikom obavljanja kontrole učesnika u saobraćaju sebi pribave imovinsku korist, a koje radnje bez doprinosa oba policijska službenika ne bi bile ostvarene na planirani način, nakon što bi utvrdili da su učesnici u saobraćaju počinili saobraćajni prekršaj predviđen i kažnjiv prema odredbama Zakona o osnovama bezbjednosti saobraćaja na putevima u BiH, svjesno i htijući primali od počinilaca saobraćajnih prekršaja korist u vidu novca i drugih koristi da u okviru svoje funkcije ne učine što bi morali učiniti, odnosno, da počinocima saobraćajnih prekršaja ne izdaju prekršajne naloge za počinjene saobraćajne prekršaje, a koje prekršajne naloge su morali izdati u skladu sa opštim i prekršajnim odredbama ZOOBS-a BiH, te ovlaštenjima iz člana 54. i 56. Zakona o prekršajima FBiH i člana 8., 9. i 10. Instrukcije, te su takođe svjesno i htijući postupali suprotno odredbama člana 54. i 56. Zakona o prekršajima FBiH i suprotno članu 8., 9. i 10. Instrukcije, na način da nisu obavili svoju dužnost nakon što bi utvrdili da su učesnici u saobraćaju počinili saobraćajne prekršaje, tako što počinocima saobraćajnih prekršaja nisu izdavali prekršajne naloge koje su morali izdati u skladu sa ovlaštenjima iz člana 54. i 56. Zakona o prekršajima FBiH i člana 8., 9. i 10. Instrukcije, na koji način su vozačima pribavili korist u vidu nesankcionisanja za počinjeni prekršaj, pa su tako:

- 2.1. Dana 25.05.2025. godine, oko 09.20 sati, u ul. Alipašina, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 23.05.2025. godine i Rasporedu rada za dan 25/26.05.2025. godine, zaustavili i kontrolisali M.D., vozača motornog vozila marke „Renault Kango“, registarskih oznaka, koji je tom prilikom počinio saobraćajni prekršaj iz ZOOBS-a BiH, i znajući da su dužni da ga sankcionišu za počinjeni prekršaj i izdaju mu prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, propustili da učine navedeno, nakon čega im je M.D. obećao kupiti doručak (burek i jogurt u „.....“), a po koji je odmah nakon toga i otišao, nakon čega se M.D. vratio do službenog motornog vozila u kojem su se nalazili Duhović Adnan i Džindo Nermin, te im rekao da „.....“ ne radi, te kroz otvoren prozor Duhović Adnanu predao jednu novčanicu, na šta je Duhović Adnan prokomentarisao „Cvaja“, na koji način su Duhović Adnan i Džindo Nermin, svjesni protivpravnosti svog postupanja i htijući da za sebe pribave imovinsku korist zbog oproštenog prekršaja, primili novac u iznosu od 20,00 KM da u okviru svoje funkcije ne učine što bi morali učiniti, na koji način su Duhović Adnan i Džindo Nermin pribavili sebi korist u ukupnom iznosu od 20,00 KM,
- 2.2. Dana 25.05.2025. godine, oko 13.00 sati, u ul. Čekaluša, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“,

registarskih oznaka O53-J-731, a prema patrolnom nalogu broj od 23.05.2025. godine i Rasporedu rada za dan 25/26.05.2025. godine, zaustavili i kontrolisali S.P., koji je tom prilikom upravljao motornim vozilom marke „Ford Focus“, registarskih oznaka, za kojeg su prethodno utvrdili da je počinio saobraćajni prekršaj iz člana 235. stav 5. ZOOBS-a BiH, jer je vozilom prošao kroz upaljeno crveno svjetlo na semaforu (za koji prekršaj je propisana novčana kazna u iznosu od 100-300 KM), kao i saobraćajni prekršaj iz člana 236. stav 15. ZOOBS-a BiH, zato što nije propustio pješaka (za koji prekršaj je propisana novčana kazna u iznosu od 50-250 KM), i znajući da su dužni da ga sankcionišu za navedene prekršaje i izdaju mu prekršajni nalog za počinjene prekršaje u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, propustili da učine navedeno, te su S.P. tom prilikom izdali samo prekršajni nalog za počinjeni saobraćajni prekršaj iz člana 238. stav 38. ZOOBS-a BiH (neposjedovanje opreme, za koji prekršaj je propisana kazna od samo 40,00 KM), nakon čega S.P. prilazi službenom policijskom vozilu u kojem Duhović Adnan sjedi na mjestu vozača, a Džindo Nermin na mjestu suvozača, te mu Duhović Adnan tom prilikom govori *pisaćemo ti da nemaš opremu, to ti je 40KM, platiš 20 KM*, te mu zatim govori *da im plati ručak, odnosno da im dođe najmanje kilogram pečenja*, nakon čega mu daje svoj broj mobilnog telefona, na koji način su Duhović Adnan i Džindo Nermin, svjesni protivpravnosti svog postupanja i htijuci da za sebe pribave korist zbog oproštenih prekršaja, zahtijevali da im S.P. plati ručak da u okviru svoje funkcije ne učine što bi morali učiniti,

- 2.3. Dana 25.05.2025. godine, oko 18.15 sati, u ul.Patriotske lige, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema patrolnom nalogu broj od 23.05.2025. godine i Rasporedu rada za dan 25/26.05.2025. godine, zaustavili i kontrolisali N.M., vozača motornog vozila marke „VW Golf“, registarskih oznaka, za koju su prethodno utvrdili da je počinila saobraćajni prekršaj iz člana 235. stav 10. ZOOBS-a BiH, jer je preticala kolonu vozila (za koji prekršaj je propisana novčana kazna u iznosu od 100-300 KM), i znajući da su dužni da je sankcionišu za navedeni prekršaji i izdaju joj prekršajni nalog za počinjeni prekršaj u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, propustili da učine navedeno, te su N.M. tom prilikom izdali samo prekršajni nalog za saobraćajni prekršaj iz člana 238. stav 38. ZOOBS-a BiH (neposjedovanje opreme, za koji prekršaj je propisana kazna od samo 40,00 KM), odnosno, Duhović Adnan je rekao N.M. da joj neće pisati prekršajni nalog za prekršaj koji je počinila, nego da će joj pisati prekršajni nalog za blaži prekršaj neposjedovanja opreme, nakon čega je Džindo Nermin sačinio prekršajni nalog broj: od 25.05.2025. godine, na iznos od 40,00 KM zbog prekršaja iz člana 238. stav 38. ZOOBS-a BiH (neposjedovanje opreme), nakon čega Duhović Adnan predaje N.M. navedeni prekršajni nalog i govori joj *„moglo bi se ovo nekako počastiti, tj. mogla bi nam platiti kilogram jagnjetine“*,

nakon čega je N.M. ponudila da im umjesto jagnjetine da novac u iznosu od 50,00 KM, na što je Adnan Duhović rekao *“stavi ga na neko mjesto gdje neće vidjeti prolaznici”*, nakon čega je N. stavila novac na rukohvat vrata vozača, a Duhović Adnan je zatim uzeo navedeni novac, na koji način su Duhović Adnan i Džindo Nermin, svjesni protivpravnosti svog postupanja i htijući da za sebe pribave korist zbog oproštenog prekršaja, primili novac u iznosu od 50,00 KM da u okviru svoje funkcije ne učine što bi morali učiniti, na koji način su Duhović Adnan i Džindo Nermin pribavili sebi korist u ukupnom iznosu od 50,00 KM,

- 2.4. Dana 03.06.2025. godine, oko 20.32 sati, na području opštine Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 02.06.2025. godine i Rasporedu rada za dan 03/04.06.2025. godine, nakon štu su utvrdili da je NN lice nepropisno parkiralo vozilo, te na taj način počinilo prekršaj iz člana 238. stav 14. ZOOPS-a BiH, za koji je propisana novčana kazna u iznosu od 40.00 KM, te nakon što je Duhović Adnan upitao *„Čije je ovo auto ovdje”*, nakon čega mu NN lice govori *„Može li dajdža pomoći”*, na šta Nermin Džindo pita *„Ko ti je dajdža”*, a nakon što NN lice odgovara da mu je dajdža S.Š., Džindo Nermin mu govori *„poselami ga i ajde pomjeri auto”*, te NN licu vraća dokumenta, nakon čega NN lice govori *„hvala”*, na koji način su Duhović Adnan i Džindo Nermin s ciljem pribavljanja koristi drugome, što su i htjeli, svjesno i htijući postupili suprotno odredbama člana 54. i 56. Zakona o prekršajima F BiH i suprotno članu 8., 9. i 10. Instrukcije, na način da su znajući da je NN lice počinilo saobraćajni prekršaj iz člana 238. stav 4. ZOOPS i da su dužni da mu izdaju prekršajni nalog navedeni prekršaj u skladu sa odredbama člana 54. i 56. Zakona o prekršajima F BiH i odredbama člana 8., 9. i 10. Instrukcije, propustili NN licu izdati prekršajni nalog i prekršajnu prijavu, a što su bili dužni da učine, na koji način su ne obavivši svoje službene dužnosti, NN licu pribavili korist u vidu ne sankcionisanja za navedeni saobraćajni prekršaj;
- 2.5. Dana 14.06.2025. godine, oko 10.50 sati, u ul. Betanija, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 13.06.2025. godine i Rasporedu rada za dan 14/15.06.2025. godine, zaustavili su i kontrolisali E.S., vozača motornog vozila marke „Ford“, registrskih oznaka, za kojeg su utvrdili da je počinio saobraćajni prekršaj iz člana 235. stav 1c. ZOOPS-a, jer se nije vezao sigurnosnim pojasem, kao i da mu je auto tehnički neispravno, iz kojeg razloga su u skladu sa članom 231. ZOOPS-a, E.S. morali uputiti pismenim nalogom na vanredni tehnički pregled, te znajući da su dužni da ga sankcionišu i za počinjeni prekršaj iz člana 235. stav 1c. ZOOPS-a BIH i izdaju mu prekršajni nalog za počinjeni prekršaj u skladu sa odredbama člana

54. i 56. Zakona o prekršajima FBiH i odredbama člana 8., 9. i 10. Instrukcije, propustili da učine navedeno, te E.S. tom prilikom nisu izdali prekršajni nalog za počinjeni saobraćajni prekršaj, niti su ga uputili na vanredni tehnički pregled, odnosno, nakon što je E.S., Duhović Adnanu rekao da mu piše kaznu za počinjene prekršaje, Duhović Adnan mu je rekao „*Možemo se i dogovoriti*“, na šta mu je E.S. rekao „*da kod sebe nema novca, da radi u ugostiteljskom objektu, te da ih može počastiti hranom*“, na šta je Duhović Adnan pristao, nakon čega su razmijenili brojeve mobilnih telefona, te je Adnana Duhović, E.S. rekao da im do 12.00 sati donese ručak, nakon čega je E.S. nazvao ugostiteljsku radnju „.....“ i rekao im da pripreme mješano meso za dvije osobe i dvije koka kole, a zatim je telefonom pozvao Duhović Adnana i rekao mu da mogu preuzeti hranu, a što su Duhović Adnan i Džindo Nermin naknadno i učinili, te kod pekare „.....“ preuzeli navedenu hranu i piće, na koji način su Duhović Adnan i Džindo Nermin, kao policijski službenici, svjesni protivpravnosti svog postupanja i htijući da za sebe pribave korist zbog oproštenog prekršaja, od E.S. primili obećanje koristi u vidu hrane i pića da u okviru svoje funkcije ne učine što bi morali učiniti, te E.S. za počinjeni saobraćajni prekršaj iz člana 235. stav 1c. ZOOPS-a BiH nisu izdali prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, niti su imenovanog u skladu sa članom 231. ZOOPS-a uputili pismenim nalogom na vanredni tehnički pregled, na koji način su Duhović Adnan i Džindo Nermin pribavili sebi korist u vidu hrane (mješanog mesa za dvije osobe i dvije koka kole),

- 2.6. Dana 18.06.2025. godine, oko 15.00 sati, u ul. Gajev trg, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 17.06.2025. godine i Rasporedu rada za dan 18/19.06.2025. godine, nakon što su utvrdili da je S.O. nepropisno parkirao vozilo marke „VW Touran“, te na taj način počinio prekršaj iz člana 238. stav 14. ZOOPS-a BiH, za koji je propisana novčana kazna u iznosu od 40.00 KM, i znajući da su dužni da mu izdaju prekršajni nalog u skladu sa odredbama člana 54. i 56. Zakona o prekršajima FBiH i članu 8., 9. i 10. Instrukcije, te nakon što je S.O. pitao Duhović Adnana i Džindo Nermina da li su mu napisali kaznu, a kada je dobio odgovor da još uvijek nisu, ali da to namjeravaju uraditi, ponudio im je da ih počasti hranom, nakon čega je Duhović Adnan uzeo S. broj telefona i rekao mu da će ga zvati, nakon čega se S.O. udaljio sa lica mjesta, a Duhović Adnan i Džindo Nermin mu tom prilikom nisu izdali prekršajni nalog za nepropisno parkiranje, da bi naredni dan, 19.06.2025. godine, Duhović Adnan pozvao putem telefona S.O. i zatražio od njega da im donese „*dvije desetke, dva jogurta i dva soka*“, nakon čega je navedena hrana i predata Duhović Adnanu i Džindo Nerminu koji su se u momentu preuzimanja hrane i pića nalazili zajedno u službenom vozilu marke „VW Golf VIII“, registarskih oznaka O53-J-731, parkirani kod knjižare „.....“ u ulici Kantardžića, na koji način su Duhović Adnan i Džindo Nermin, kao

policijski službenici, od S.O. primili obećanje koristi u vidu hrane i pića da u okviru svoje funkcije ne učini što bi morali učiniti, te S.O. za počinjeni saobraćajni prekršaj iz člana 238. stav 14. ZOOPS-a BiH nisu izdali prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, na koji način su Duhović Adnan i Džndo Nermin pribavili sebi korist u vidu hrane i pića (dvije porcije čevapa, dva jogurta i dva soka),

- 2.7. Dana 27.06.2025. godine, oko 23.30 sati, u blizini skretanja za stadion Koševo, opština Centar Sarajevo, Kanton Sarajevo, Adnan Duhović i Džindo Nermin, postupajući u svojstvu službenih osoba, kao policijski službenici Policijske stanice Centar Sarajevo, radeći u auto patroli sa službenim motornim vozilom marke „VW Golf VIII“, registarskih oznaka O53-J-731, a prema Patrolnom nalogu broj od 26.06.2025. godine i Rasporedu rada za dan 27/28.06.2025. godine, nakon što su utvrdili da je M.V., vozač motornog vozila „Audi A3“, registarskih oznaka, počinio više saobraćajnih prekršaja kažnjivih po ZOOPS-u BiH, i znajući da su dužni da ga sankcionišu za sve počinjene prekršaje i izdaju mu prekršajni nalog u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, M.V. su izdali samo prekršajni nalog broj: od 27.06.2025. godine zbog počinjenog prekršaja iz člana 239. stav 3. ZOOPS-a BiH, a kojom prilikom je Duhović Adnan M.V. rekao „*pisat ću ti žmigavac 30, 15 plati, to je najmanje nema manje*“, nakon čega mu Džndo Nermin govori „*30 sankcija čini mi se, 239. 1. 3*“, tj. da je je navedeni prekršaj propisan članom 239. stav 3. ZOOPS-a BiH, a da je kao sankcija za isti propisana novčana kazna u iznosu od 30,00 KM, na koji način su Duhović Adnan i Džindo Nermin s ciljem pribavljanja koristi drugome, što su i htjeli, svjesno i htijući postupili suprotno odredbama člana 54. i 56. Zakona o prekršajima F BiH i suprotno članu 8., 9. i 10. Instrukcije, na način da su znajući da je M.V. počinio više saobraćajnih prekršaja kažnjivih po ZOOPS-u BiH i da su dužni da mu izdaju prekršajni nalog za sve počinjene prekršaje u skladu sa odredbama člana 54. i 56. Zakona o prekršajima FBiH i odredbama člana 8., 9. i 10. Instrukcije, propustili M.V. iste izdati, a što su bili dužni da učine, na koji način su ne obavivši svoje službene dužnosti, M.V. pribavili korist u vidu ne sankcionisanja za počinjene saobraćajne prekršaje,

Dakle,

- **Adnan Duhović pod tačkom 1.1., 1.4. i 1.5.,** kao službena osoba u Federaciji BiH, od učesnika u saobraćaju primio korist u vidu novca kako u okviru svoje funkcije ne bi učinio što je morao učiniti, odnosno, kako im ne bi izdao prekršajni nalog za počinjeni saobraćajni prekršaj, a koji prekršajni nalog je morao izdati, **pod tačkom 1.2,** kao službena osoba u Federaciji BiH, nakon što je propustio da u okviru svoje funkcije počinocu saobraćajnog prekršaja izda prekršajni nalog, a koji prekršajni nalog je morao izdati, od počiniooca saobraćajnog prekršaja primio dar u novcu, a **pod tačkom 1.3,** kao službena osoba u Federaciji BiH, sa ciljem da drugom pribavi imovinsku korist, nije obavio svoje službene dužnosti, na način da počinocu saobraćajnog prekršaja nije izdao prekršajni nalog, niti je sačinio prekršajnu prijavu, a što je bio dužan učiniti,

- **Duhović Adnan i Džindo Nermin zajedno pod tačkom 2.1., 2.2. i 2.3.,** kao službene osobe u Federaciji BiH, nakon što su propustili da u okviru svoje funkcije počinocima saobraćajnih prekršaja izdaju prekršajne naloge, a koje prekršajne naloge su morali izdati, od počinilaca saobraćajnih prekršaja primili dar u vidu novca i hrane i pića, **pod tačkom 2.4. i 2.7.,** kao službene osobe u Federaciji BiH, sa ciljem da drugom pribave imovinsku korist, nisu obavili svoje službene dužnosti, na način da počinocu saobraćajnog prekršaja nisu izdali prekršajni nalog, niti su sačinili prekršajnu prijavu, a što su bili dužni učiniti, a **pod tačkom 2.5. i 2.6.,** kao službene osobe u Federaciji BiH, od učesnika u saobraćaju primili korist u vidu hrane i pića kako u okviru svoje funkcije ne bi učinili što su morali učiniti, odnosno, kako im ne bi izdali prekršajne naloge za počinjene saobraćajne prekršaje, a koje prekršajne naloge su morali izdati,

Čime je:

- **Duhović Adnan pod tačkom 1.1., 1.4. i 1.5. optužnice** počinio krivično djelo Primanje dara ili drugih oblika koristi iz člana 380. stav 1. KZ FBiH, **pod tačkom 1.2. optužnice** počinio krivično djelo Primanje dara ili drugih oblika koristi iz člana 380. stav 3. u vezi stava 1. KZ FBiH, a **pod tačkom 1.3. optužnice** počinio krivično djelo Zloupotreba položaja ili ovlaštenja iz člana 383. stav 1. KZ FBiH, a sve u vezi sa članom 55. istog Zakona,
- **Duhović Adnan i Džindo Nermin pod tačkom 2.1., 2.2. i 2.3., optužnice** počinili krivično djelo Primanje dara ili drugih oblika koristi iz člana 380. stav 3. u vezi stava 1. KZ FBiH i u vezi sa članom 31. istog Zakona, **pod tačkom 2.4. i 2.7. optužnice** počinili krivično djelo Zloupotreba položaja ili ovlaštenja iz člana 383. stav 1. KZ FBiH, u vezi sa članom 31. istog Zakona, a **pod tačkom 2.5. i 2.6. optužnice** počinili krivično djelo Primanje dara ili drugih oblika koristi iz člana 380. stav 1. KZ FBiH, u vezi sa članom 31. istog Zakona, a sve u vezi sa članom 55. KZ FBiH.

.....

II

Na osnovu odredbi člana 45. stav 1. i 2. ZKP FBiH i člana 71. tačka c), u vezi sa članom 72., 73. i 76. stav 1. i 2. KZ FBiH, predlažem da se osumnjičenim licima Duhović Adnanu i Džindo Nerminu izrekne **Sigurnosna mjera zabrana vršenja poziva, aktivnosti ili funkcije** i to zabrana obavljanja poslova policijskog službenika u svim Agencijama za provođenje zakona u Bosni i Hercegovini u trajanju od 5 (pet) godina, računajući od posljednjeg dana izdržane kazne zatvora, jer postoji opasnost da bi takvo obavljanje moglo poticajno djelovati da osumnjičeni počine novo krivično djelo vezano uz svoj poziv, djelatnost ili dužnost.

III

Na osnovu odredbi člana 114. stav 1. i 2., člana 115. stav 1. i člana 380. stav 4. KZ FBiH predlažem da se od osumnjičenih Duhović Adnana i Džindo Nermina **oduzme imovinska korist stečena krivičnim djelom** u novcu i to od Duhović Adnana u iznosu

od 145,00 KM i 20 EUR, a od Džindo Nermina u iznosu od 35,00 KM, a koju imovinsku korist su stekli na način opisan u optužnici.

PRIJEDLOG
za produženje mjera zabrane

Predlažemo da Sud prema osumnjičenim Duhović Adnanu i Džindo Nerminu, nakon potvrđivanja optužnice, produži izrečene mjere zabrane koje su određene Rješenjem Opštinskog suda u Sarajevu od 22.12.2025. godine i to:

- Iz člana 140a. stav 1. tačka c) ZKP FBiH,
Zabrana komuniciranja i sastajanja na bilo koji način sa svjedocima navedenim u prijedlogu tužilaštva, policijskim službenicima PU Centar, PS Centar, kao i zabrana međusobnog sastajanja i komuniciranja osumnjičenih, i
- Iz člana 140. stav 1. ZKP FBiH - zabrana napuštanja boravišta.

KANTONALNI TUŽILAC